

Plebem marino in transitu
Repurgat undis dulcibus,
Lucis columnam praeferens.

Hic praeliante exercitu,
Passis in altum brachiis,
Sublimis Amalech premit
Crucis quod instar tunc fuit.

Hic nempe Jesus verior,
Qui longa post dispendia,
Victor suis tribulibus
Promissa soluit jugera.

Qui ter, quaternas denique
Refluentis amnis alueo
Fundavit, et fixit petras,
Apostolorum stemmata.

Jure ergo se Judae ducem
Vidisse testantur Magi,
Cum facta priscorum ducum
Christi figuram pinxerint.

Hic rex priorum judicum,
Rexere qui Jacob genus,
Dominaeque rex Ecclesiae,
Templi et novelli, et pristini.

Hunc posterum Effraim colunt,
Hunc sancta Manasse domus,
Omnesque suspiciunt tribus
Bissena fratrum semina.

Quin et propago degener
Ritum sequuta inconditum,
Quaecumque dirum feruidis
Baal caminis coxerat.

Fumosa avorum numina
Saxum, metallum, stipitem,
Rasum, dolatum, sectile,